

# SOLPORES DA MIÑA VILA

Solpores da miña vila,  
longos, case eternos.  
(Os anos pasan rápidos;  
os días, lentos.)  
A luz esvara  
polo meu piano lustroso  
¿Que música lle poñeremos?  
As maos, soñan.  
Solpor de prata  
sobor do ébano.  
Penso nos poetas mortos.  
Calma, calma...

Tarde inmóvil, eterna.  
Quédase dulcemente  
¿en que soedade, lonxe?  
Ceo, ceo, máis ben luz.  
Equilibrio deste gris  
tan tenro.  
Non, non hai paisaxe  
nin carne nin sangue.  
Solpores da miña vila,  
longos, lentos, música.  
As maos soñan.

(Luís Pimentel)

## **Os nosos versos**

Antoloxía a cargo de Antonio García Teijeiro  
Ed. XERAIS